

IMAQARNILIAQ MIA - Meeqqanut Ilaqutariinnullu Ataatsimiititaq 06-11-2018

Ulloq ataatsimiiffissaq Tirsdag 06. november 2018 kl. 20:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffissat.....	7
2019-imi Meeqqanut Ilaqutariinnullu Ataatsimiititap politikikkut ataatsimiiffissaasa ullulerner.....	8
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	11
Meeqqanut Ilaqutariinnullu Ingerlatsivimmi Ineriartortitsinissamut pilersaarutip killiffiata nalunaar	12
2019-imut missingersuutissat aappassaaneerseqarnissaat.....	15
Taasariaqartut allat.....	19
Oqaluuserisassat matoqqasut.....	20
Lukket.....	21
Imaqarniliap akuerineqarnera.....	22

IMMIKKOORTOQ 0: Saqqaa

<p>Uju Petersen (IA), formand</p> <p>Rasmine Geisler (IA)</p> <p>Inge Olsvig Brandt (IA)</p> <p>Knud Mathiassen (IA)</p> <p>Ane Egede Mathæussen (S)</p>

IMMIKKOORTOQ 1: Oqaluuserisassat akuerineqarneri

Beslutning

Oqaluuserisassat akuerineqarput

IMMIKKOORTOQ 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

IMMIKKOORTOQ 3: Ilisimatitsissutit

IMMIKKOORTOQ 4: Aalajangiiffissat

IMMIKKOORTOQ 04A: 2019-imi Meeqqanut Ilaqutariinnullu Ataatsimiititap politikikkut ataatsimiiffissaasa ullulerneru

Beslutning

- Ullut ataatsimiiffiusussat akuerineqarnerat
- Ataatsimiititaliat angalanissaat akuerineqanngilaq imalu allanngortinneqarpoq:

Meeqqanut Ilaqutariinnullu Ataatsimiititaq Isumaginninnermut Suliffeqarnermullu Ataatsimiititaq peqatigalugu Ittoqqortoormiitut sap.ak. 15-mi angalassaaq.

Ataatsimiititap Nuummur angalanissaa sap.ak.10-mit sap.ak.36-mut nuunneqarpoq

Ilanngussat

Bilag 1A Politisk mødekalender 1. halvår 2019 DK.xlsx

Bilag 1B Politisk mødekalender 2. halvår 2019 DK.xlsx

Bilag 2A Politisk mødekalender 1. halvår 2019 DK med udvalgsrejser.xlsx

Bilag 2B Politisk mødekalender 2. halvår 2019 med udvalgsrejser.xlsx

Bilag 3 KAL.pdf

2019-imi Meeqqanut Ilaqutariinnullu Ataatsimiititap politikikkut ataatsimiiffissaasa ullulernerini

Aalajangiiffisassaq

J.nr. 01.01.01

Suliffeqarfimmut Kiffartuussivik – kommunaldirektøri Lars Møller-Sørensen / LMS

Suliassamik eqikkaaneq:

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2019-mut politikikkut ataatsimiiffissat ullulernerini januari 2019-miit decemberi 2019-mut atuutissapput. 2019-imi politikikkut ataatsimiiffissat ullulernerini, ataatsimiitsitat 2019-imi paasiassarsiorlutik angalanissaat ullorsiummut ilanngunneqarput. Tamanna peqquteqarpoq, politikikkut angalanerit ataatsimiinnerillu ataqatigiissarneqarsimanissaat qulakkeeniartugit.

Inassuteqaatit

Suliffeqarfimmut Kiffartuussiviup Meeqqanut Ilaqutariinnullu Ataatsimiititap inassuteqaatigaa:

- Meeqqanut Ilaqutariinnullu Ataatsimiititap 2019-imi politikikkut ataatsimiiffissaata ullulernerini akuerineqassasut.
- Meeqqanut Ilaqutariinnullu Ataatsimiititap 2019-imi ataatsimiitsitat Paamiunut Tasiilamullu angalanissaasa ullulernerini akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Aaqqiissutissat siunnersuut – suliatigut naliliineq

2019-mut politikikkut ataatsimiiffissat ullulernerini januari 2019-miit decemberi 2019-mut atuutissapput. 2019-imi politikikkut ataatsimiiffissat ullulernerini, ataatsimiitsitat 2019-imi paasisassarsiorlutik angalanissaat ullorsiummut ilanngunneqarput. Tamanna peqquteqarpoq, ataatsimiitsitat angalanissaat ataatsimiinnissaallu ataqatigiissarsimanissaat qulakkeeniartugit.

Kommuneqarfik Sermersuumi, qinigaaffimmi 2017-mit 2021-imut ataatsimiititap angalanissaannut malittarisassat ulloq 17. agusti 2017 Aningaasaqarnermut Inuussutissarsiornermullu Ataatsimiititap akuerineqarput. Malittarisassat naapertorlugit Meeqqanut Ilaqutariinnermullu Ataatsimiititap 2019-imi ukiup affaa siulleq Nuummisaaq, ukiullu aaffaata aappaani Ittoqqortoormiuniissalluni. Ataatsimiitsitami ilaasortaq ataatsimiitsitap paasisassarsiorluni angalanissanut peqataasinnaanani nalunaarpat, sinniisuminik aggersaasinnaassanngilaq.

Qinikkanut Allatseqarfiup Meeqqanut Ilaqutariinnermullu Ataatsimiititap ataatsimiinnissai angalanissaalu inissitsiterpai, ataatsimiititap ataavartut allat, Aningaasaqarnermut Inuussutissarsiornermullu Ataatsimiititap Kommunalbestyrelsilu ataatsimiinnissaat angalanissaallu, kiisalu sulinnigiffeqarnerit nalliuttullu eqqarsaatigalugit. Tamatuma saniatigut allaffissornikkut piffissamut killissarititaasut eqqarsaatigineqarput, suliart sapinngisamik sivikinnerpaaq atorlugu suliarineqarniassammata.

Meeqqanut Ilaqutariinnermullu Ataatsimiititaq ukiumut arfineq-pingasoriarluni ileqquusumik ataatsimiinnissaa, kiisalu ataatsimiinnerit sisamangornikkut nal. 16.00 ingerlanneqartarnissaat siunnersuutigineqarpoq. Meeqqanut Ilaqutariinnullu Ataatsimiititaq paasisassarsiorluni ulluni ukunani 04.03.19 – 06.03.19 Nuummiinnissaa aamma ulluni ukunani 03.09.19 – 05.09.19 Ittoqqortoormiinnissaa siunnersuutigineqarpoq. Ullut tassaapput ataatsimiititaq ornitaminniinnissaa. Taamaattorli angallannermut pissutsit kisiisa pequtigalugit ullunik allannguisoqarsinnaanera sillimaffigineqassaaq.

Aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununga aningaasaliissutigineqartuni aalajangersakkat malillugit ingerlanneqassapput, taakkununga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2019-imi politikikkut ataatsimiiffissat Naalakkersuisunut nassiunneqassapput. (Ilanngussaq 1)

Ataatsimiitsitat angalasarnissaat Qinikkat Allatseqarfiata ataqatigiissaarlugillu ingerlattassavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaateqartinneqanngilaq.

Innuttaasunik peqataatitsineq/attaveqaqatigiinneq

2019-imi Politikikkut ataatsimiiffissat ullui (Ilannguaq 1) kommunip nittartagaanut tamanut saqqummiunneqassapput aamma ataatsimiinnerni oqaluuserisassat imaqarniiallu tamanut saqqummiunneqartassallutik. Politikikkut ataatsimiiffissat ullui aamma kommunip allaffeqarfiata immikkoortortaanni pissarsiarineqarsinnaassapput.

Ingerlatsivinniit allaniit oqaaseqaatigineqartut

Soqanngilaq.

Ilanngussat

1. 2019-imi politikikkut ataatsimiiffissatut siunnersuutit
2. 2019-imi politikikkut ataatsimiiffissatut, ataatsimiitsitallu paasisassarsiorlutik angalaffissaatut siunnersuut.
3. Qinigaaffik 2017-2021-imi ataatsimiitsitat angalanissaannut malittarisassat

**IMMIKKOORTOQ 5: Suliat Aningaasaqarnermut
Inuussutissaqarnermullu Ataatsimiititamut Kommunalbestyrelsimullu
ingerlateqqitassat**

IMMIKKOORTOQ 05A: Meeqqanut Ilaqutariinnullu Ingerlatsivimmi Ineriartortitsinissamut pilersaarutip killiffiata nalunaarusiornera 2017-2020

Beslutning

Inassuteqaatit akuerineqarput

Ilanngussat

5.-statusrapport_3.-kvartal-2018_23555_KAL.docx

GRL - Foreløbigt notat om gennemgang af statusnotat 5 3 kvartal 2018. docx (2).pdf

Meeqqanut Ilaqutariinnullu Ingerlatsivimmi Ineriartortitsinissamut pilersaarutip killiffiata nalunaarusiornera 2017-2020

Killiffiup nalunaarusiornera 5, 2018-imi kvartalit pingajuat

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Meeqqanut Ilaqutariinnullu Ingerlatsivimmi 2017-2020 Ineriartortitsinissamut pilersaarusiap killiffiata nalunaarusiornerata tallimaat 2018-imi 1. juulimiit 30. septembari tungaanoortoq. Killiffiup nalunaarusiornera suliarineqarpoq suliassanut pilersaarusiap septembarip 13-ianni 2018 akuersissutigineqartoq naapertorlugu.

Nalilerneqarpoq pisuni pingaartuni pilersaarusiorneq makkuninnga nikinganeqartoq:

- Sullissinerup nukittorsarneqarnera
- Oqartussaaffeqarfiup aammalu Pitsaaliuinermit Sullissinermullu immikkoortortat suleqatigiinnerat

Pisuni pingaarutilinni allani siuariartorneqartoq paasineqarpoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititumut inassuteqaatigaa:

- ilisimatitsissut tusaatissatut tiguneqassasoq
- ilisimatitsissut Aningaasaqarnermut Inuusutissarsiornermullu Ataatsimiititumut ingerlateqqinneqassasoq.

Suliassamik saqqummiussineq

3. 2018-imi kvartalip pingajuat Oqartussaaffeqarfimmi allaffissornermut toqqammavissami nutaami suleriaatsinillu nutaani ataavartumik iluarsaassisoqarneranik suliaqarfiunerusimavoq.

Pitsaaliuinermit Sullissinermullu tunngasuni nutaamik aqqissuussineq aallartereerpoq.

Aqqissuussineq Sullissinermut misissuinermit innersuussutigineqartut tunngavigalugit pivooq kiisalu iliuusissat nutaat arlallit pilersinneqarnerisigut, taakku siunertarimmassuk meeqqat inuusuttullu angerlarsimaffiup avataanut inissinneqartartut ikilisarneqarnissaat. Ingerlatsivimmi neqeroortutigineqartuni suliata allaaserineri aallartinneqareerput taakkulu 2018-ip naalernerani naammassineqarnissaat naatsorsuutigineqarpoq. Sulianik allaaserinninnerit Pitsaaliuinermit Sullissinermullu immikkoortortat anguniagassaliornissaannut toqqammaviliisuussapput.

Piffissami tassani ineriartortitsinermut pilersaarusiavit anguniakkat makku nikingapput:

- Sullissinerup nukittorsarneqarnera
- Oqartussaaffeqarfiup aammalu Pitsaaliuinermit Sullissinermullu immikkoortortat suleqatigiinnerat

Aaqqiissutissatut siunnersuut – suliatigut naliliineq

Sullissinerup nukittorsarneqarnera

Oqartussaaffeqarfiup aammalu allaffissornermi toqqammavissap nutaap suleriaatsillu suliatigut aqqissuussiffiginerisa atuutilersinneqarnissaat pilersaarutit malikannerlugit ingerlanneqarput.

Aqqissuusseqqinneq naluneqanngitsutut suliata meeqqanut tunngasut piffissaq eqqorlugu eqqortumillu suliarineqarnissaannik qulakkeerinissamik siunertaqarpoq. Tamatumani suliata suliarineqarnissaannut piukkunnartunik sulisoqarnissaa pisariaqarpoq. Oqartussaaffeqarfimmi sullissineq ajoraluartumik piukkunnartunik sulisussaaleqinermik aammalu sulisut akornanni sulinnigitsuukulanerujussuarmik eqqugaaqqavoq. Tamatuma kingunerivaa, sullissinermi qaffasissusissaq suli anguneqanngimmat. Tamanna iluaqusiiffiginarlugu suliata ataavartumik malitseqartitsiffineqartarput. Tamanna Malitseqartitsisartoqatigiinnit isumagineqarpoq, aammalu taamatut suliaqarnermi siunissami ataavartumik sullissinernik oqilisaataanissaa naatsorsuutigineqarpoq. Aamma Malitseqartitsisartoqatigiit suleqatigiinnut allanut suliassaqarpallaalersimasunut ikuuttarput.



Tamakkua saniatigut sulisut pikkorissartinneqartarnissaat sulissutigineqarpoq. Nakkutilliinermi siunnersorti ataavartumik inatsisinut sullissinermullu tunngasunik pikkorissartitsisarpoq, aammalu Aalborg Kommunep suleqatigilernissaa sulissutigineqarpoq, isumaginninnikkut suliatigut misissuissutinik suliaqarnermi suliatigut nukittorsaasoqarnissaa eqqarsaatigalugu. Iliuusissatut pilersaarutininik suliaqartarnerup nukittorsarneqarnissaa eqqarsaatigalugu Ilaqutariinnut immikkoortortami sullissisut iliuusissatut pilersaarutisiorneq pillugu sapaatip akunneranut pingasoriarlutik sungiusartinneqartarput. Iliuusissatut pilersaarusionermut sungiusartarneq Deloitte-mit ingerlanneqartarpoq.

Oqartussaaffeqarfiup aammalu Pitsaaliuinermit Sullissinermullu immikkoortortat suleqatigiinnerat
Oqartussaaffeqarfiup aammalu Pitsaaliuinermit Sullissinermullu immikkoortortat suleqatigiinnerisa nukittorsarneqarnissaat pilersaarutit malikannerlugit ingerlanneqarpoq. Kisianni ikiorsiissuteqartarnermut tunngasunik sullissisunik malitseqartitsinerit pillugit ataatsimiinnernut sullissisut suli takkuttarnissaat ajornartorsiutaavoq. Ataatsimiinnernut takkuttarnissat pingaaruteqarneri arlaleriarluni sakkortuumik piumasaqaatigineqartarpoq.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitalit
Ineriartortitsinermut pilersaarusiaq MI 2017-2020

Ingerlariaqqinnissaq
Ineriartortitsinermik suliaqarneq MI 2017-2020 Ineriartortitsinermut pilersaarut naapertorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/attaveqaatigiinneq
Soqanngilaq

Ingerlatsivinnit allanit oqaaseqaatit
Ingerlatsivinnit allanit oqaaseqaatinik pissarsiniartoqarsimanngilaq.

Ilanngussat
Killiffiup nalunaarusiornera 5, 2018-imi kvartalit pingajuat
Deloitte: Allakkiaagallarteq

IMMIKKOORTOQ 05B: 2019-imut missingersuutissat aappassaaneerneqarnissat

Beslutning

MI Ingerlatsineq

1 MI: Amerlanerussuteqartunit akuersissutigineqarpoq, Siumumit itigartitsissutigineqarpoq, oqaaseqaateqarfigalugulu Tasiilami suliasaq sulisunit marlunnit nammanneqarsinnaanersoq takoqqaarusullugu.

2 MI: Akuersissutigineqarpoq

3 MI: Akuersissutigineqarpoq

P1 MI: 400.000 koruuninik aningaasartalerlugu akuersissutigineqarpoq, oqaaseqaateqarfigalugulu Kommunimit periusissiatut pilersaarut takuneqarusuttoq, tassungalu imminut toquttarnernik pinaveersaartitsineq ilanngunneqassasoq. Tamanna pillugu aallarniutigalugu imminut toquttarnernik pinaveersaartitsinissamut siunnersortimik ataatsimik, pingasuniunngitsoq, atorfinitsitsinissaq akuersissutigineqarpoq.

P2 MI: Akuersissutigineqarpoq

MI Sanaartorneq:

1 MI: Akuersissutigineqarpoq

P7 MI: Akuersissutigineqarpoq

Akigititat:

Akuersissutigineqarput

Ilanngussat

Bilag_1_MI_drift_samlet_grl.pdf

Bilag_2_MI_anlæg_samlet_grl.pdf

Bilag_3_MI_Takster_2.behandling_dk+grl.xlsx

2019-imut missingersuutissat aappassaaneerneqarnissaat – suliassaqarfinnut agguataarlugit

Aalajangiiffigisassaq

J.nr.:06.01.06

Suliffeqarfimmi Kiffartuusivik - Kommunaldirektøri, Lars Møller-Sørensen/LMSR

Suliassamik eqikkaaneq

Kommunit aqunneqarnerat pillugu inatsit naapertorlugu ukiumi tulliuuttumi missingersuutit Kommunalbestyrelsimi marloriarlugit suliarineqassapput ullunik 14-inik akunnilerlugit.

Missingersuutit siullermeerneqarnerat kommunalbestyrelsip oktoobarip aappaani 2018 ataatsimiinnerani pivoq.

Siullermeerinninnerup kingorna missingersuutissatut siunnersuutit allaffeqarfimmi pitsaassusaat qulakkeerneqarpoq - tamatumunngalu atatillugu missingersuutitigut allannguutissanik siunnersuutissaqartoqarpoq. Sinneqartoorutissatut anguniagassat 75 mio kr-nut amerlassusilerneqarput, taakkulu angunissaannut ileqqaarutissat 16,2 mio kr.-it amigaatigineqarput. Taamaattumik allaffeqarfik ileqqaarutissanik 22.4 mio kr.-nik nassiussaqqarpoq. Tamatuma saniatigut politikikkut allannguutissatut siunnersuutinik pissarsisoqarpoq, taakkulu ataatsimiitit susassaqqartut isummerfigissavaat.

Maannakkorpiaq 2019-imut sanaartugassanut kissaatigineqartut 341 mio. kr.-nik naleqarput, taakkulu allaffeqarfiup innersuussutigai sapinngisamik 311 mio. kr.-it pallissagaat, sinneqartoorutissatut anguniakkanut 75 mio. kr.-nut tunngatillugu aammalu ingerlatsiviup kivissallugu suna piviusorsioruunersoq aammalu siullermeerneqarnerannit angusat eqqarsaatigalugit.

Aappassaaneerinninnissamut tunngatillugu allannguutissatut siunnersuutit arlallit akuersissutigineqartussaapput imaluunniit itigartitsissutigineqartussaapput. Allannguutissatut siunnersuutit pissarsiarineqartut, ingerlatsinermut tunngatillugu isummerfigineqartussat ilanngussaq 1-imi takuneqarsinnaapput. Taavalu sanaartornermut tunngasut ilanngussaq 2-mi takuneqarsinnaapput. Taavalu akigitinneqartussat ilaliussatut 3-tut ilanngunneqarput.

Inassuteqaat

Suliffeqarfimmi Kiffartuusivik Meeqqaut Ilaqutariinnullu Ataatsimiititamut inassuteqaatigaa:

- ilanngussaq 1-imi ingerlatsinermut tunngasuni allannguutissatut siunnersuutit isummerfigineqassasut, taamaalillutik missingersuutissatut siunnersuummut Aningaasaqarnermut Ataatsimiititamut Kommunalbestyrelsimullu inaarutaasumik aalajangiiffigisassatut ingerlateqqinneqartunut ilanngunneqarniassammata.
- ilanngussaq 2-mi sanaartugassanut tunngasuni allannguutissatut siunnersuutit isummerfigineqassasut, taamaalillutik missingersuutissatut siunnersuummut Aningaasaqarnermut Ataatsimiititamut Kommunalbestyrelsimullu inaarutaasumik aalajangiiffigisassatut ingerlateqqinneqartunut ilanngunneqarniassammata.
- Akigitinneqartussatut saqqummiunneqartut akuersissutigineqassasut (ILANNGUSSAQ 3)

Suliassamik saqqummiussineq

Kommunit aqunneqarnerat pillugu inatsit naapertorlugu ukiumi tulliuuttumi missingersuutit Kommunalbestyrelsimi marloriarlugit suliarineqassapput ullunik 14-inik akunnilerlugit.

Missingersuutit siullermeerneqarnerat kommunalbestyrelsip oktoobarip aappaani 2018 ataatsimiinnerani pivoq.

Siullermeerinninnerup kingorna missingersuutissatut siunnersuutit allaffeqarfimmi pitsaassusaat qulakkeerneqarpoq - tamatumunngalu atatillugu missingersuutitigut allannguutissanik siunnersuutissaqartoqarpoq. Sinneqartoorutissatut anguniagassat 75 mio. kr.-nut amerlassusilerneqarput, taakkulu angunissaannut ileqqaarutissat 16,2 mio. kr.-it amigaatigineqarput. Taamaattumik allaffeqarfik ileqqaarutissanik 22.4 mio. kr.-nik nassiussaqqarpoq. Tamakkua saniatigut politikikkut allannguutissatut siunnersuutit pissarsiarineqarput.

Maannakkorpiaq 2019-imut sanaartugassanut kissaatigineqartut 341 mio. kr.-nik naleqarput, taakkulu allaffeqarfiup innersuussutigai sapinngisamik 311 mio. kr.-it pallissagaat, sinneqartoorutissatut anguniakkanut 75 mio. kr.-nut tunngatillugu aammalu ingerlatsiviup kivissallugu suna piviusorsioruunersoq aammalu siullermeerneqarnerannit angusat eqqarsaatigalugit.

Aappassaaneerinninnissamut tunngatillugu allannguutissatut siunnersuutit arlallit akuersissutigineqartussaapput imaluunniit itigartitsissutigineqartussaapput. Allannguutissatut siunnersuutit pissarsiarineqartut, ingerlatsinermut tunngatillugu isummerfigineqartussat ilanngussaq 1-imi takuneqarsinnaapput. Taavalu sanaartornermut tunngasut ilanngussaq 2-mi takuneqarsinnaapput.

Akigititassat ilanngussaq 3-tut ilanngunneqarput. Allannguut ataaseq ataatsimiititumut tunngasoq ilanngunneqarpoq.

Aaqqiissutissatut siunnersuut – suliaticigut naliliineq

2019-imut ukiunullu tulluuttunut 2020-2022-imut inaarutaasumik missingersuutissanut allannguutissatut siunnersuutit ataasiakkaat ilanngunneqassanersut, immikkut isummerfigineqassapput.

Kisianni ataatsimiititit ataavartut allannguutissatut siunnersuutini allannguutissatut siunnersuutininik aningaasartaasigut, piffissaliunneqartut nikinnerinik imaluunniit siunnersuutigineqartumut tunngatillugu allannguutissanik allanik allannguuteqartitsinnaapput.

Aningaasaqarnikkut sulisoqarnikkullu naliliinerit

Soqanngilaq

Inatsisiticigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 22. november 2010-meersoq aamma Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuiusoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq.

Ingerlariaqqinnissaq

Ataatsimiititani ataavartuni aammalu Aningaasaqarnermut Inuussutissarsiornermullu Ataatsimiititami oqaluuserineqareerpat missingersuutissatut siunnersuut ataatsimiititap allannguutissatut siunnersuutit akuersissutai ilanngullugit Kommunalbestyrelsimut inaarutaasumik akuersissutigisassanngorlugu ingerlateqqinneqassaaq.

Aningaasaticigut naatsorsuinerit missingersuutitigullu oqaaseqaatigineqartut Kommunalbestyrelsimut ingerlateqqinnginnerini Aningaasaqarnermut Ataatsimiititami aalajangerneqartut naapertorlugit kingunerisassaticigut iluarsissuteqarfineqassapput.

Missingersuutit akuersissutigineriniit kingusinnerpaamik ullut 14-it qaangiuppata, Aqutsinermut inatsit naapertorlugu kommunimi innuttaasunit takuneqarsinnaalissapput. Aammattaaq ukiup

naannginnerani kommunimi innuttaasunut, imaluunniit najukkami tusagassiorfinnut missingersuutip imarisai tamanut nalunaarutigineqassapput.

Aningaasaqarnermut Allatseqarfimmit oqaaseqaatit

Soqanngilaq.

Oqaaseqaatigineqartut allat

Soqanngilaq

Ilanngussaq

1: Ingerlatsinermut missingersuutini allannguutissatutsiunnersuutit

2: Sanaartugassanut allannguutissatut siunnersuutit

3: Akit allattorsimaffiattut siunnersuutit

IMMIKKOORTOQ 6: Taasariaqartut allat

IMMIKKOORTOQ 7: Oqaluuserisassat matoqqasut

IMMIKKOORTOQ 07A: Lukket

IMMIKKOORTOQ 8: Imaqarniliap akuerineqarnera